

ք. Երևան

15 հուլիսի, 2024թ.

Հայաստանի Հանրապետության բարձր տեխնոլոգիական արդյունաբերության նախարարությունը, ի դեմս նախարարության գլխավոր քարտուղար Դավիթ Գասպարյանի (այսուհետ՝ նախարարություն), որը գործում է նախարարության կանոնադրության հիման վրա, մի կողմից, և «ԲՖԴԱ» ՍՊԸ-ն (այսուհետ՝ կազմակերպություն), ի դեմս տնօրեն Նարեկ Մանուկյանի, որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2003 թվականի դեկտեմբերի 24-ի N 1937-Ն որոշումը, Հայաստանի Հանրապետության բարձր տեխնոլոգիական արդյունաբերության նախարարի 01.03.2024թ. «11009 Ձեռներեցության տեխնոլոգիական էկոհամակարգ» միջոցառման ծրագիրը հաստատելու մասին» թիվ 366-Ա և 11.06.2024թ. «Մրցութային հանձնաժողովի որոշումը հաստատելու և դրամաշնորհի պայմանագրի նախագիծ ներկայացնելու մասին» թիվ 1106-Ա հրամանը, «Պրոֆին Բուքս» ծրագրի (այսուհետ՝ ծրագիր) իրականացումն ապահովելու նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Սույն պայմանագրով նախարարությունը պարտավորվում է ծրագրի իրականացման նպատակով պայմանագրի 5-րդ կետով սահմանված կարգով կազմակերպությանը հատկացնել գումարից 5,000,000 (հինգ միլիոն) ՀՀ դրամ (ներառյալ՝ հարկերը):

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված 1-ում:

2. Կողմերի իրավունքները և պարտավորությունները

2.1. Նախարարությունն իրավունք ունի՝

2.1.1. ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. ծրագրով և սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2 կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով և սույն պայմանագրով սահմանված պահանջներին.

2.1.4. սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը պայմանագրի 5-րդ կետում սահմանված կարգով և ժամկետներում.

2.2.2. նախարարության կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3. Նախարարությունը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան և առանձնացված հաշվառում:

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաբանակներով:

2.4.3. կատարել նախարարության կողմից բացահայտված թերությունների վերացման նպատակով տրված ցուցումները:

2.4.4. սույն պայմանագրով սահմանված կարգով նախարարություն ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն:

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6. նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8. Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե և հատուցել կողմի պատճառած վնասները՝ մինչև տվյալ բյուջետային տարվա նախավերջին աշխատանքային օրը:

2.4.9. Դրամաշնորհի շրջանակներում ստացված դրամական միջոցները բաշխել առանձնացված բանկային հաշվի (հաշվեհամարի) միջոցով:

2.4.10 **Ապահովել ակտիվ մասնակցություն ՀՀ բարձր տեխնոլոգիական արդյունաբերության նախարարության կողմից «Գաղափարի փուլ» դրամաշնորհային մրցույթի հաղթող ընտրությունների համար նախաձեռնված և իրականացվող ինկուբացիոն բնույթի կրթական դասընթացներին:**

2.4.11 Պայմանագրի կամ փուլի կատարման ժամկետը կարող է երկարաձգվել Կազմակերպության գրավոր առաջարկի առկայության դեպքում: Ընդ որում առաջարկը պիտի ներկայացվի պայմանագրի կամ տվյալ փուլի ժամկետը լրանալուց առնվազն 10 օրացուցային օր առաջ:

3. Մոնիթորինգը

3.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է նախարարության և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Նախարարությունը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Պայմանագրի արդյունքի հանձնման և ընդունման կարգը

4.1 Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման ձեռնարկը տեղադրված է www.minfo.am հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) նախարարությանն է տրամադրում իր կողմից ստորագրված՝ հանձնման-ընդունման ակտը

(հավելված N 4) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2 Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 20 (քսան) աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3 Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2 կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում նախարարությունը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը նախարարությունը armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1 Նախարարությունը սույն պայմանագրի 1.1 կետում նշված գումարի 75 տոկոսը՝ 3,750,000 (երեք միլիոն յոթ հարյուր հիսուն հազար) ՀՀ դրամը, պայմանագիրն ուժի մեջ մտնելուց հետո 10 աշխատանքային օրվա ընթացքում, փոխանցում է կազմակերպության բանկային հաշվին:

5.2 Մնացած գումարը՝ պայմանագրի 1.1 կետում նշված գումարի 25 տոկոսը, 1,250,000 (մեկ միլիոն երկու հարյուր հիսուն հազար) ՀՀ դրամը, փոխանցվում է կազմակերպության հաշվին՝ սույն պայմանագրով սահմանված ամփոփիչ հաշվետվություններն ընդունելուց, նախարարության և կազմակերպության միջև պայմանագրի արդյունքն ընդունելու վերաբերյալ հանձնման-ընդունման ակտը ստորագրելուց հետո 10 աշխատանքային օրվա ընթացքում: Ծրագրի շրջանակում հաղթող ճանաչված կազմակերպությունը պարտավորվում է ծրագիրն ավարտել մինչև ոչ ուշ, քան 2025 թվականի դեկտեմբերի 25-ը:

6. Կողմերի պատասխանատվությունը

6.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2 Պայմանագրի N 1 հավելվածում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3 Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4 Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով:

6.5 Նախարարության կողմից պայմանագրի 4.1 կետով նախատեսված ժամկետի խախտման դեպքում կազմակերպության նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7 Տոյժի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում ՀՀ ֆինանսների նախարարության կողմից հաշվառվելու պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱՃՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, Նախարարությունների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագիրը հանդիսանում է սույն պայմանագրի անբաժանելի մասը (հավելված 5):

9.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.3 Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4 Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ www.hti.am կայքում նշելով հրապարակման ամսաթիվը:

Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը նախարարությունը այն ուղարկվում է նաև կազմակերպության էլեկտրոնային փոստին:

9.5. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.6. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.7. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

1. Կողմերի հասցեները, բանկային վավերապայմանները և ստորագրությունները

Նախարարություն

«Հարձր տեխնոլոգիական արդյունաբերության
նախարարություն

ք. Երևան, Վազգեն Սարգսյան 3/3,

ՖՆ գործառնական վարչություն

Հ/Կ 900011039044

ՀՎՀՀ 02565518

Գլխավոր քարտուղար՝ Դավիթ Կասյանյան

(ստորագրություն)



Կազմակերպություն

«ԲՖԴԱ» ՍՊԸ

ք. Երևան, Նաիրի Զարյան 74ա, 314

«Ամերիաբանկ» ՓԲԸ

Հ/Կ՝ 1570095470744700

ՀՎՀՀ՝ 01279783

տնօրին՝ Լարնիկ Ամանուկյան

(ստորագրություն)

Մ Ի Ջ Ո Ց Ա Ո Ռ Ւ Ս Ն Ե Ր

Հ/Կ		Դրանաշնորհի միջոցների հաշվին իրականացվող միջոցառման					պահանջվող գումարը (<< դրամ)
անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը		
1.	Ծրագրի բաժինների և գործողությունների Backend	Աշակված աշխատանքային քարտեզի հիման վրա գրելու ենք ծրագրի Backend մասը	Ակնկալում ենք ծրագիրը պարաստել ֆրոնտենդի համար (նախնական տարբերակ)	30.09.2024 տր	14.10.2024	2,335,710	
2.	Ծրագրի բաժինների և գործողությունների Frontend	Աշակված աշխատանքային քարտեզի հիման վրա գրելու ենք ծրագրի Frontend մասը	Ակնկալում ենք ունենալ ծրագրի նախնական տարբերակը	30.11.2024	14.12.2024	1,807,142	
3.	Ծրագրի տեսողական մասի վրա	Ծրագրի նախնական տարբերակի հիման վրա իրականացնելու ենք տեսողական, վերնայնի ենք գործընթացները և իրականացնելու ենք անհրաժեշտ ուղղումները:	Ակնկալում ենք ունենալ ծրագրի վերջնական տարբերակը	30.12.2024	17.01.2025	857,148	
		Ընդամենը՝ 5,000,000 << դրամ					

Նախարարություն

<< քաղաքի տեխնոլոգիական արդյունաբերության նախարարություն



Զ. Երևան, Վազգեն Սարգսյանի պող. 15
ՖՆ գործառնական ձեռնարկություն
Հ/Կ՝ 1570095470744700
ՀՎՀՀ՝ 08279783
Գլխավոր քարտուղար՝ Ինգոյր Վրեյնիսյան
(ստորագրություն)

Կազմակերպություն

«ԲՖ-ԴԱ» ՍՊԸ

Զ. Երևան, Նաիրի 2արյան 74ա, 314
«Աներիբանակ» ՓԲԸ
Հ/Կ՝ 1570095470744700
ՀՎՀՀ՝ 08279783
տնօրեն՝ Կարեն Աճառյան
(ստորագրություն)

Դրամաշնորհային հաշվետվություն N _____

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհատու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

--

2.2 Նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

--

Նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

--

2.3 Ներկայացնել հաշվետու ժամանակահատվածում ծագած խնդիրները, որոնք խոչընդոտել են ծրագրի գործողությունների իրականացմանը:

2.4 Թվարկել հաջորդ հաշվետու ժամանակահատվածի համար նախատեսված գործողությունները:

2.5 Նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Նախարարություն

ՀՀ բարձր տեխնոլոգիական արդյունաբերության
նախարարություն
ք. Երևան, Վազգեն Սարգսյան 3/3,
ՖՆ գործառնական վարչություն
Հ/Հ 900011039444
ՀՎՀՀ 02565518
Գլխավոր քարտուղար՝ Դավիթ Գասպարյան

(ստորագրություն)

Կազմակերպություն

«ԲՖԴԱ» ՍՊԸ
ք. Երևան, Նաիրի Չարյան 74ա, 314
«Ամերիաբանկ» ՓԲԸ
Հ/Հ՝ 1570095470744700
ՀՎՀՀ 01279783
տնօրեն՝ Նարեկ Մանուկյան

(ստորագրություն)

ՎՃԱՐՄԱՆ ԺԱՄԱՆԱԿԱՑՈՒՅՑ

ՀՀ դրամ

հրավերով նախատեսված չափաբաժնի համարը	Մրցույթի պլանով նախատեսված (CPV) կոդը	անվանումը	Միջոցառման										Ընդամենը				
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր		նոյեմբեր	դեկտեմբեր		
1	99999999	Դրամաշնորհային ծրագիր						3,750,000	3,750,000	3,750,000	3,750,000	3,750,000	3,750,000	3,750,000	3,750,000	3,750,000	3,750,000

Նախարարություն

ՀՀ բարձր տեխնոլոգիական արդյունաբերության նախարարություն

ք. Երևան, Վազգեն Սարգսյան 322

ՖՆ գործառնական վարչություն

Հ/Հ 900011039443

ՀՎՀՀ 02565518

Գլխավոր քարտուղար՝ Դավիթ Կապարյան

(ստորագրություն)



Կազմակերպություն

«ՔՖԴԱ» ՍՊԸ

ք. Երևան, Նաիրի Չարյան 74ա, 314

«Ամերիաբանկ» ՓԲԸ

Հ/Հ 1570095470744700

ՀՎՀՀ 01279783

տնօրեն՝ Լուսինե Մանուկյան

(ստորագրություն)

Նախարարություն

ՀՀ բարձր տեխնոլոգիական արդյունաբերության
 նախարարություն
 ք. Երևան, Վազգեն Սարգսյան 3/3,
 ՖՆ գործառնական վարչություն
 Հ/Հ 900011039444
 ՀՎՀՀ 02565518
 Գլխավոր քարտուղար՝ Դավիթ Գասպարյան

(ստորագրություն)

Կազմակերպություն

«ԲՖԴԱ» ՍՊԸ
 ք. Երևան, Նաիրի Զարյան 74ա, 314
 «Ամերիաբանկ» ՓԲԸ
 Հ/Հ՝ 1570095470744700
 ՀՎՀՀ 01279783
 տնօրեն՝ Նարեկ Մանուկյան

(ստորագրություն)

**ԱԿՏ N
 ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
 ՀԱՆՁՆՄԱՆ-ԸՆԴՈՒՄԱՆ**

« » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » 20 թ.

Պայմանագրի համարը՝

Նախարարությունը և Պայմանագրի կողմը՝ հիմք ընդունելով պայմանագրի կատարման վերաբերյալ ներկայացված — հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը իրականացրել է հետևյալ միջոցառումները՝

N	Իրականացված միջոցառման							
	անվանումը	գործառույթի համառոտ նկարագիրը	Արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			ըստ պայմանագրի	Փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշվետվությունը հանդիսանում է սույն արձանագրության բաղկացուցիչ մասը և կցվում է:

Ծառայությունը հանձնեց

ստորագրություն

ազգանուն, անուն

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.

Ծրագրի անվանումը՝ Պրոֆին Բուքս
Ծրագրի սկիզբ / ավարտ 01/07/2024 / 31/01/2025
Ծրագրի նկարագրություն

Արդի տեխնոլոգիաների զարգացումը անմասն չի թողնում նաև հաշվապահական և ֆինանսական բնագավառները ամբողջ աշխարհում: Երբ դիտարկում ենք ՀՀ-ում այդ բնագավառները, առերեսվում ենք մեծ բացի:

ՀՀ-ում հաշվառված գերփոքր և փոքր անհատ ձեռներեցները (ավելի քան 230,000) իրենց հարկային, կադրային և ֆինանսական հաշվառումները վարելիս բախվում են հետևյալ խնդիրներին.

- **Հաշվառման Անհասկանալիություն.** քանի որ անհրաժեշտ են մասնագիտական հմտություններ,
- **Հաշվառման Վերահսկողություն.** հաշվառումը վարվում է մասնագետների (հաշվապահների) կողմից և փաստացի չի վերահսկվում որևէ թվային եղանակով կամ հաշվետվությունով,
- **Հաշվառման Արագություն.** հաշվառումը թվային լուծումների զանազանության և մասնագետների բազմազբաղության պատճառով իրականացվում է դանդաղ և յուրաքանչյուր հարցման լուծումը տևում է 3-24 ժամ,
- **Մատչելիություն.** Սպառողների սեզմենտը հաշվառման ծառայությունների համար վճարում է 30,000-ից մինչև 200,000 ՀՀ դրամ ամսական, որը այդ սեզմենտի համար բարձր գին է:
- Այս խնդիրներն ունեն **Փոքր և Գերփոքր անհատ ձեռնարկատերերը**, որոնք աշխատում են հատուկ հարկման համակարգերում: Բացի վերնշյալ խնդիրների լուծումներից, ծրագիրը հնարավորություն է ընձեռնելու անհատ հաշվապահներին այն օգտագործել որպես **Փոքր և Գերփոքր անհատ ձեռնարկատերերի** հաշվառումը վարելու և նրանց համար հաշվետվություններ գեներացնելու համակարգ:

Ծրագիրը սպառողների առաջարկելու է հետևյալ լուծումները՝

- Հաշվառման ենթակա տվյալների արագ մուտքագրում և պահպանում մեկ համակարգում,
- Հարցումների ուղարկում և դրա կարգավիճակի վերահսկում մեկ համակարգում,
- Էլեկտրոնային փաստաթղթաշրջանառության ապահովում,
- Գործունեության վերաբերյալ հաշվետվությունների տրամադրում ինքնաշխատ եղանակով,
- 24/7 նամակագրության ապահովում մասնագետների (հարկային, կադրային կամ ֆինանսական հաշվառման հարցերով) հետ,
- Մատչելի գներ՝ սկսած 12,000 ՀՀ դրամից

Լուծումը տալու է հնարավորություն սպառողին մատչելի, հասկանալի և ինքուրույն եղանակով վարել հարկային, կադրային և ֆինանսական հաշվառումները, պահպանել, ստորագրել փաստաթղթերը էլեկտրոնային եղանակով, ստանալ հաշվետվություններ հաշվառումների վերաբերյալ և ունենալ 24/7 նամակագրության հնարավորություն տվյալ ոլորտի մասնագետի հետ: Ծրագիրը նաև թույլ է տալու անհատ հաշվապահներին օգտվել հաշվառման հեշտության բոլոր հնարավորություններից՝ իր հաճախորդների համար, ում հաշվառումն իրականացնում է:

Նախարարություն

ՀՀ բարձր տեխնոլոգիական արդյունաբերության նախարարություն
ք. Երևան, Վազգեն Սարգսյան 3/3,
Ֆև գործառնական վարչություն
Հ/Հ 900011039444
Հ/ՀՀՀ 02565518

Գլխավոր քարտուղար՝ **Կարին Իսախանյան**
(ստորագրող/ին)



Կազմակերպություն

«ԲՖԴԱ» ՍՊԸ

ք. Երևան, Նաիրի Զարյան 74ա, 314
«Ամերիաբանկ» ՓԲԸ
Հ/Հ 1570095470744700
Հ/ՀՀՀ 01279783

տնօրեն՝ **Նարեկ Մանուկյան**

(ստորագրություն)

ՀԱՄԱՁԱՅՆՈՒԹՅՈՒՆ

ք. Երևան

* * հուլիս, 2024թ.

ՀՀ բարձր տեխնոլոգիական արդյունաբերության նախարարությունը, ի դեմս գլխավոր քարտուղար Դ. Գասպարյանի, որը գործում է նախարարության կանոնադրության հիման վրա, այսուհետ՝ «Նախարարություն», մի կողմից «ԲՖԴԱ» ՍՊԸ-ն (այսուհետ՝ կազմակերպություն), ի դեմս տնօրեն Նարեկ Մանուկյանի, որը գործում է կազմակերպության կանոնադրության հիման վրա, փոխադարձ համաձայնությամբ կնքեցին սույն համաձայնագիրը, այսուհետ՝ Համաձայնագիր, հետևյալի մասին.

2024թվականի ապրիլի 14-ին հայտարարված ԲՏԱԼ-ԴՄ-2024/01 ծածկագրով մրցույթի հրավերին կից պայմանագրի 5-րդ կետը շարադրել հետևյալ բովանդակությամբ.

5. Վճարման կարգը և ժամկետները

5.1 Նախարարությունը սույն պայմանագրի 1.1 կետում նշված գումարի 75 տոկոսը՝ 3,750,000 (երեք միլիոն յոթ հարյուր հիսուն հազար) ՀՀ դրամը, պայմանագիրն ուժի մեջ մտնելուց հետո 10 աշխատանքային օրվա ընթացքում, փոխանցում է կազմակերպության բանկային հաշվին:

5.2 Մնացած գումարը՝ պայմանագրի 1.1 կետում նշված գումարի 25 տոկոսը, 1,250,000 (մեկ միլիոն երկու հարյուր հիսուն հազար) ՀՀ դրամը, փոխանցվում է կազմակերպության հաշվին՝ սույն պայմանագրով սահմանված ամփոփիչ հաշվետվություններն ընդունելուց, նախարարության և կազմակերպության միջև պայմանագրի արդյունքն ընդունելու վերաբերյալ հանձնման-ընդունման ակտը ստորագրելուց հետո 10 աշխատանքային օրվա ընթացքում: Ծրագրի շրջանակում հարթող ճանաչված կազմակերպությունը պարտավորվում է ծրագիրն ավարտել մինչև ոչ ուշ, քան 2025 թվականի դեկտեմբերի 25-ը:

Նախարարություն

ՀՀ բարձր տեխնոլոգիական արդյունաբերության
նախարարություն

ք. Երևան, Վազգեն Սարգսյան 3/3,

ՖՆ գործառնական վարչություն

Հ/Հ 900011039444

ՀՎՀՀ 02566518

Գլխավոր քարտուղար Դավիթ Գասպարյան

(ստորագրություն)



Կազմակերպություն

«ԲՖԴԱ» ՍՊԸ

ք. Երևան, Նաիրի Զարյան 74ա, 314

«Ամերիաբանկ» ՓԲԸ

Հ/Հ 1570095470744700

ՀՎՀՀ 01279783

տնօրեն՝ Նարեկ Մանուկյան

(ստորագրություն)